



新鐫海內可觀卷四

錢唐

臥遊道人

楊爾曾輯

隆慶雜錄

吳山圖說

烟雨樓說附

籍隸謹識

吳山春秋為吳南界以別于越故曰吳山或曰以伍子胥故訛  
伍為吳故郡志亦稱胥山在鎮海樓之右蓋天目為杭州諸山  
之宗翔舞而東結局于鳳凰山其支山左折遂為吳山派分西  
北為寶月為蛾眉為竹園稍南為石佛為七寶為金地為瑞石  
為寶蓮為清平總曰吳山奇嶠危峰澄湖靚壑江介海門回環  
拱固扶輿淑麗之氣鐘焉其陟山之徑有門曰登高覽勝石磴  
斗折可數百級許元時平童峇刺罕脫歡所甃也立而環眺則



官司解署衛鎮崇巖闌闐街衢紅塵霧起市聲隱賑漏盡猶喧  
道院僧廬晨鐘暮鼓青樓畫閣雜以笙歌升其巔則縹緲凌虛  
碧天四匝山川包界脉絡縷分或昂而爲首或穹而爲脊或掉  
而爲尾若亂若聯運掌可數是以聲甲寰宇恢然一大都會也  
忠清廟祀吳行人伍員者今稱伍公廟每歲以九月二十日致  
祭東岳中興觀宋大觀中建觀側有聖母池圍以石欄今廢玉  
樞道院俗稱神霄雷院至德觀在宋渾儀臺側十一曜太歲堂  
也紹興間建理宗書額曰至德之觀俗稱星宿閣惠應廟俗呼  
皮場廟神爲張森相州湯陰人江東廟明道士金一清建神姓  
石名固秦時贛人廟初在崇福里繼徙貢水之東雷岡因名江

東水神廟明姚世明募建以吳山離象郭內多火故奉諸水神  
以鎮之時開基闢土泉水出焉因濬爲池名金龍泉承夫靈應  
廟俗稱三官堂有天開圖畫清暉亭關王廟嘉曆十八年所建  
石佛山西聯寶山南面瑞石宋嘉熙間僧鑿石爲三佛海會寺  
吳越王建舊名石佛智果院其下有康張廟以奉威濟善利孚  
應昭烈康元帥東平忠靖洪濟景祐張元帥寶山東接石佛山  
百法寺在石龜巷宋建炎初建有大佛半身依山鑿石爲之寶  
奎寺在寶山頂宋丞相喬行簡故第奇石峭拔東望海門如在  
咫尺理宗幸其第書見滄二字賜之勒之崕石途捨宅爲寺以  
寶奎請額詔從之明郡人茅瓚讀書寺中因號見滄嘉靖戊戌

狀元及第作亭覆石上玄妙觀亦在石龜巷內有真宗賜王欽若詩高宗書道德經石刻元時燬洪武始復舊後有石洞幽雅陰寒夏遊最快施公廟在石龜巷口祀宋殿司小校施全報功祠爲百法寺基祀明總督胡宗憲忠節祠嘉靖時建以祀吳行人伍公員唐僕射褚公遂良宋少保岳公飛明太傅于公謙定以每歲八月十五日致祭真聖觀正統九年重建普光庵在忠節祠北有玉壺池吳波泉七寶山在宋天慶觀後今白馬廟巷之西與寶蓮山相連通玄觀宋內侍劉敖入道修真結庵于此高宗御書通玄二字榜之賜名能真觀中修竹蔭庭赤日無暑七寶庵元道士玄谷建定水寺宋乾道建于萬松嶺嘉定間移于清波門外元至元築城徙七寶山開寶仁王寺高宗南渡僧慧照隨駕卓錫時所建三茅寧壽觀在七寶山東北相傳三茅君長盈次固次衷秦初咸陽人得道成仙自漢以來崇祀之宋紹興賜額曰寧壽觀并昇古壘一漢鼎一唐鐘成化十年建昊天寶閣棟宇翬飛金碧騰煥環盼江湖渺歸睫底嘉靖間總督胡宗憲因平島夷奏捷建真武殿萬曆間司禮孫隆重修并建鍾翠亭關王廟內有三義堂侍御王業弘扁曰亘古三人壽春庵者掃帚和尚所居總督胡宗憲建關廟于庵之址簷下有寶蓮井

雲居聖水本二寺也雲居庵者宋元祐間僧了元建聖水寺者

元元貞間僧明本建明本立約其徒不置恒產惟資化緣爲僧  
家風味至大間沙門指月拓基廣之掘地四尋得管井甃甃堅  
好中有佛首三枚諸相具足遂塗金事之名三佛泉洪武二十  
四年併聖水于雲居賜額曰雲居聖水禪寺內有聽松軒了元  
號佛印善談諧以禪爲戲明本號中峰又號幻住博涉經史洞  
徹法源爲文操筆立就城隍廟舊名永固在皇山紹興間徙建  
于金地山宋元皆有封號前繪神像後繪夫人子孫之像洪武  
元年詔天下各府州縣城隍之神止稱本號并去其像易爲本  
主梓潼帝君廟今稱文昌祠蜀人牟子才等請建火德廟宋以  
火德王故建廟于此以奉熒惑之神今郡人禳火皆就廟中蓋

遺俗也重陽庵在城隍廟東南青衣洞在重陽殿右中有青衣  
泉淅淅出石罅清鑿毛髮崖壁鑄有八分書以大字心經山頂  
巨石墜下有石承之若餌飮然前有石門上橫石梁壁間皆細  
字水波文不知何年泮水至此穴韓侂胄賜弟寶蓮山下建閣  
古堂砌瑪瑙石爲池引泉注之名閼古泉陸務觀爲之記瑞石  
山秀石玲瓏巖竇窳窳寒泉洞瀝瀝爲澄泓者往往而有清幽  
徹骨空翠撲肌湖山奧區罕與倫比橐駝峰峭削凌空雪風洞  
豁開曲徑履鳥所涉栩栩然有仙風紫陽庵元道士徐洞陽棲  
真處其徒丁野鶴棄俗全真抱膝長逝丁妻王守素奉其屨而  
漆之端坐如生今在殿庭之右又有立仙睡仙二像遠視之與

生者無異寶成寺晉天福中建有石觀音羅漢像壁間鐫蘇子瞻寶成院賞牡丹詩筆法甚道其房有歲寒松竹四字爲明吳東升題清平山在仁孝坊內有郭兒井開元寺唐玄宗時建嘉靖時重修寶月山在藩司對上有黑龍潭深窈如井蛾眉山在寶月山西有八眼井淺山有漾沙坑紫坊嶺竹園山在府治之西南吳山一脉獨趨而北隱隱隆起家安撫趙與憲建閣其上平鑑西湖扁曰竹山閣

附

烟雨樓說

環嘉禾郡城皆水也其高阜向城而起者拓架其上爲烟雨樓樓之勝瑣窓飛閣四面臨湖水如坐鏡中春花秋月無不宜者若其輕烟拂渚山雨欲來夾岼亭臺乍明乍滅漁舸酒舸茫茫遙載白雲萬壑聞櫂聲咿嘍睽盼而不得其處則霽色爲尤勝郡本澤國婦人女子有白首不知山者鼎食之家或輦石于太湖爲之次則爲樓臺臨水以當之登高眺遠如斯而已

詠錢唐十勝

五雲六景

柳橋烟



吳白堂見

吳白

吳白

綠暗青濃乍有無  
 曉鶯啼罷尚籠鳥  
 隨風不入五侯宅  
 帶雨半遮西子湖  
 舞徹細腰曾擅楚  
 困酣嬌眼欲傾吳  
 蘓公舊日徑行處  
 夾道低迎鶴尾爐




冷泉猿  
嘯

冷泉亭下北山陞  
 曾見雌雄共引  
 兒慣聽山僧朝說  
 法能隨木客夜  
 吟詩松坡日暖人  
 遊後蕙帳風寒  
 窶怨時惆悵遺音  
 無處覓竹溪  
 啼老野棠枝




北園夜市

地遠城中禁鼓鼓依稀風多似元宵  
 騎羅處法老官市性生光尔極的  
 榜以多醉觀沽酒慢遊童笑逐童  
 餉菊古系系象七終古伶碎年同  
 五橋河



菴院  
 曲院

弄陰曲院媯宜春  
簾捲風香逗美人  
蘊公堤上當疆  
日涼夜月明南浦  
賓



東海朝暾

東海朝暾


東海朝暾

東海朝暾

紺霧彤霞爛不收  
海門東望浪花浮  
超騰渤澥三千界  
照耀闔浮  
四百州  
賜谷神龍同變化  
高崗  
鳴鳳自喧秋  
迤來  
惟有賓王句  
試與  
空鴛嶺  
梅




曾向人間構小窩  
卧看蒼翠擁  
旌幢雄聲絕  
似聞三峽秀色何  
須攬九江  
自與竹梅諧  
舊約不  
隨荷桂入新腔  
試觀樹杪悠揚  
處疑是盤空  
白雀雙



雪後孤山擁畫圖  
 天開霽色炫  
 冰壺三竿曉日  
 消殘凍一脈春  
 泉入鏡湖放鶴山  
 童籠未展觀  
 梅野客杖屐扶  
 孰年風味誰能  
 識活火烹香付茗  
 爐

浙江秋  
 清



怒扶西風勢未休  
滔々何處覓安流  
青山隔岸分吳越  
白浪排空逼斗牛  
鉄箭有靈來昨日  
素車遺恨已千秋  
晚來試倚樟亭立  
楓葉蘆花滿眼愁

湧  
席  
跑  
泉



大士強拚破處  
 二席  
 南來調神功  
 嚼舌  
 泉感涕  
 霈化  
 解  
 彻  
 寰  
 海  
 融



放生嘉會

七


浮光清快倚玉闌  
漫扣信欵楫往來  
巨鱗能白就飛去  
編罕盡入後名畫



嘉巖看雲

鹿岩秋雨霽五色巧雲班濃映  
樹中寺橫連江上山紛紛歲勝  
跡迢迢隔塵寰人在下方看分

明圖畫間



山頂龍池古清泉一泓深  
三秋逢亢旱頃刻作甘  
霖氣結春雲膩光涵曉  
村陰淨，然祈禱驗足慰  
民心

靜軒對  
雪



園裏開軒坐悠然愛六花清光照書案

香氣襲窗紗山擁玉屏出江橫銀漢斜


道人知意思旋取為煎茶

仙塢遊歌




僊子乘風去空留仙塢名老樵  
猶自識長日唱歌行處、穿雲  
響丁、應谷鳴飄然下山去風  
韻有餘清

閑亭候  
瀑



江潮猶未至亭上待多時拂石  
坐看景臨窻閑和詩海門翻雪  
白煙浪逐風馳頃刻至山下何  
嘗負所期

禪堂夜月



瀟灑禪堂景杳晴  
未闌月從滄海起  
人倚碧峰看彩色  
如雲動精光  
似水寒  
嫦娥應有意  
偏

天目山圖說 徑山附

天目山有二東目在臨安縣西五十里高二千丈西目在於潛縣北四十五里高二千五百丈周迴一百里乃第三十四太微玄蓋洞天也太平寰宇志稱山高三千九百丈廣五百五十里水因山曲折東西巨源若兩目然故曰天目上有三十六洞爲仙靈所居蓋袁目崔巍峻嶻有重岡疊嶂之奇西目起伏飛揚有龍翔鳳翥之勢分青挾翠以萃止于錢唐萬山林立環拱其下若臣伏之狀郭璞詩云天目山垂兩乳長龍飛鳳舞到錢唐是也山有銘勒在龍池東銘曰列岳震表群峰霧裏翠滴烟巒名不可紀袁石公謂山有七絕由雙清庄至巔可二十餘里盈



天目圖

海內奇蹟 卷四

天目圖 卷四

山皆壑飛流淙淙若萬疋縞一絕也石色蒼潤石骨奧巧石徑  
曲折石壁竦峭二絕也幽谷懸巖庵宇皆精三絕也山高石峻  
聽雷聲若嬰兒啼四絕也曉起看雲在絕壑下白淨如綿奔騰  
如浪盡大地作琉璃海諸山尖出雲上若萍五絕也山樹大者  
幾四十圍松形如蓋高不踰數尺一株直萬餘錢六絕也頭茶  
香者遠勝龍井筭味類紹興破塘而清遠過之七絕也其名著  
圖經聲聞寰宇奇標境內雄鎮郡城詎不然哉

正等禪寺在蓮花峰上褒忠寺在天目東麓去朱陀嶺半里許  
舊名寶福院明空寺在山麓南十餘里重雲塔在千丈岩上舊  
有以關舫室今有複閣四層懸崖孤絕登者凜然雲深塔爲斷

崖所建法雲塔在雲深塔東又有藏雲塔會同塔髮塔

紫霞庵卽水閣灣在雙清庄東山礪屈曲字舍幽寂時有霞光  
映戶故名西方庵在玄通岩下活埋庵在獅子岩南後有跌座  
石中峰嘗于此石禪座高麗玉覓而參之曰我師活埋于此乎  
後人遂以名庵幻住庵在大佛殿東雲封庵卽許真君隱處嘗  
有雲鎖窓扉紫草庵在山南麓產有紫草故名今廢眉山庵在  
山西麓眉山之上西池庵在山東麓以在龍池之西得名青嶺  
庵在山西北重雲庵一名草庵書居庵中峰讀書處今名中雲  
庵西禪庵卽鉢盂堂今廢至道宮在山之東今爲土地祠環翠  
堂在雙清庄中背昭明而面旭日左陽和而右紫微群峰旋繞

排闥送青潔淨明爽此堂爲最白雲堂竹木陰森幽邃而敞高  
白堂群峰拱揖心目爽然月白樓在伏龍橋下天目之水合流  
于後湍急滌洞清潔可愛所謂近水樓臺先得月者是已鎮山  
樓在雙清庄前上奉白衣大士扁曰南海遺踪下敞清淨慈門  
扁曰西天淨土棟宇峻起簷阿軒翺誠一山之雄鎮也

旭日峰在雙清庄東南旭日照映紅光焜耀陽和峰在雙清庄  
東昭明峰在太子庵後乃昭明太子讀書之所下有洗眼池扁  
曰靈沼紫微峰在庄西蒼翠交加清光可挹鼓角峰在東塢庵  
前圍圓聳拔狀如鼓閣三才峰在攢玉峰下三峰並列峭嶮參  
天攢玉峰在立玉亭東南上有小石峰千百森然如林鬱然如

玉翠屏峰在大佛殿右壁立萬仞方正如屏上有懸泉數道秀  
木千章棲雲峰在藏雲塔東半壁細縷如雲生態翺鳳峰在中  
峰塔後昂頭垂翼如鳳翺翔玉柱峰在塔西象鼻峰在南峰塔  
南與獅岩對峙四崩皆絕壁中有石乳下垂狀如象鼻相傳峰  
下有白猿玉瓶沉香三寶香爐峰在活埋庵前狀如香爐五岳  
峰在圍屏石上五石並立古峭不群花石峰在東塢庵南石罅  
玲瓏花紋奪目聳壑峰在立玉亭北四壁皆幽壑莫測其底而  
此峰卓立于中石縫中出奇松數本偃若蟠龍蔽芾如蓋西來  
峰在幻住垂崖下瀋王峰在真際亭後昔高麗瀋王參禮中峰  
處悟真峰在重雲塔前下有悟真澗浮圖峰在金仙庵西巨石

海內奇觀 卷四  
數層如浮圖疊砌迎仙峰在堆玉澗上聚仙峰在迎仙右昇仙峰在聚仙下仙童峰在四仙臺左玉女峰在四仙臺右二峰排列有俊雅姝麗之態昂首峰在絕頂西天柱峰在絕頂上直豎二石若柱上鑄天下奇觀四字蓮花峰在天目西麓奇峰如出水蓮花自麓至頂約十五里上有大覺正等禪寺下有無門庵獨角龍王廟獨角龍池

獅子岩在獅子寺西岩石雄踞狀如狻猊有西來庵處關舫飛雲閣依岩締構高低凡四級下有張公洞洞西爲煉丹池有四足異形之魚五六尾蟠龍岩在悟道亭下石屈曲如龍蟠伏虎岩在中峰塔右石蹲踞如虎伏玄通岩在西方庵右岩高數百

丈鍊丹岩天目之支峰也層崖峭壁岬立萬仞石色赭赤因以名焉岩下石室可坐數人室傍有泉出自石竇深廣約數尺泓澄瑩澈四時不竭遂名丹井井扇石隆起如曲突狀突上墨黑如烟所燻遂名丹竈皆好怪者狀之也響水岩在重峰之內步履者聞其中水聲泠泠不絕竟難覓其支流紫薇岩在山西麓石皆玲瓏奇狀不一翠微岩在倚翠亭後上有翠竹蒼松奇枝異木芝草岩在西尖之西有采藥者見上有五色芝草接長竿採之色遂沒後數日左右有芝皆翠色遂不敢採至今隱現不常斷壠在其西南石倉亦在其西坎衆山鱗疊宛若倉廩觀音岩在半山路傍突起一石高大各百餘丈供觀音像于其上千

岩在獅岩之前自上觀之莫測其底龍穴其大逾寸穴外回環之狀徑二寸許若有物盤旋而成欲雨則雲氣先出石城在山西尖之西南章村之隣境高數丈南北五十餘丈其外可履內深邃不可入若城之大小塹石門有二嶺東西各一高者二十餘丈小者百尺自張公舍眺之兩扉對峙一山之絕致也古記云西嶠落暉未張于錦繪東烏炎彩先布于甍甍石庵在西尖頂至爲高峻上覆巨石一片非人力能舉之石遙觀心神暢悅石柱一長一丈一長二丈豎削平直宛如斷成擊之其聲清越石版亦在其上長短大小不可數計皆平淨如砥有全解至地者有解未盡者今鋸痕線道猶存其解至半者用大石碁架定信非人力所能及好事者欲挈而下輒有風雨蛇虺之變望江石在雲封庵之右隴軒然特立高約百餘丈下銳上豐須編梯級乃可登遙望浙江如一帶海門日上紅光耀目石屋去張公舍不遠常有陰雲怪風生于白書石鼓在西嶺外塢南下磴道盤折形如鼓周廻百餘丈擊之如鼓聲鍾樓石在半山崗高數丈望之疑烟翠黛四敞如樓絕類羅浮七星石在雙清庄前狀如北斗眠牛石在觀音岩上臥石如牛下有眠牛亭潮音洞圍屏石在斷崖塔西北羅列如屏前有三石斜倚于上長十餘丈圍丈餘一石腰有斷痕三四寸而不絕仙臺石在屏石前平正光潤如八仙臺鉢盂石在會同塔前下有真氣洞淨瓶石鶯哥

石童子石俱在觀音岩佛面石在象鼻峰按劍石捧印石在昇仙峰仙容石在石門西醉仙石在仙容石西二石斜倚若醉翁頂包石在金山庵西直豎一石高二丈餘上橫覆一石如遊僧深三十餘丈藤木交蔭森然可畏新婦石一名望夫石在西峰半山之中道向東昂立勢高五丈天然人形與東目新郎石相對雷神庵在西尖半山間西方庵之右每天雷電但聞雲中作嬰兒聲殊不聞雷震也張公舍在山南峭壁門濶五丈高二百餘丈卽漢天師隱室房有張公小舍相去半里一名天師外室捫蘿而入可坐數人徐仙姑庵在西尖之北與深坑相隣形若

道家輪藏中有石柱至地四面環望垂石如榻可設臥具云徐仙之妹于此飛昇又有圍棋石圓廣各數尺平坦滑潤不生苔蘚仙壇在雲封庵之北相去十餘丈卽許真君禮斗之所許邁宮在西尖下乃修道之邃宇仙樂在西峰絕頂每陰霾欲舒久晴欲雨是夜必聞空中絲竹具舉越旦或在峰尖或響岩谷鄉民樵者聽以爲候山池仙池俱在西尖絕頂之上深廣各二尺許久旱不乾久雨不溢每遇歲旱四方禱雨者皆請池水虔禱卽雨雨卽送還池水天目之名以此洗心池在環翠堂左廣四尺深三尺清澈如鏡可鑑鬚眉盥洗池在真際亭西冬夏不竭洗鉢池在張公小舍上龍池有三上池中池下池俱在東北峰

下有溪曰大徑口小徑口有潭形如仰箕曰箕潭中有巨石潭水注入上池在山東垂崖之下高五十仞上有平地數丈名拜斗壇石壁如門峭立對峙以限水之出巨川泛溢則激而反趨于寧川故山前無水患崖間有石如獅下瞰潭水登者據石援蘿而視毛髮慄慄水流入中池又在垂崖之下噴瀉如雷飛濺崖壁下池接烏池周廻三十餘丈紺碧深邃幽沉莫測三面皆駢石環繞南溪入大溪至紫溪七十二灘皆發源于此岩下有滴乳民採以療病池上有亭曰格思今廢下有石倉潭澄泓可鑑又有浮溪水潭其上路傍有泉迸出石澗潭水順流西溪由至道宮前曲折而至昭慶廟前爲弄珠也

獅子正宗禪寺在西峰半山中獅子岩之右林洞淵鬱木石奇古雙清庄舊在昭明峰東麓後因地窄僧衆改遷於今所

### 徑山說

徑山高三千餘丈週廻五十里乃天目之東北峰有徑通天目故名東西二徑盤旋紆委飛磴而上各高十里許層巒峭壁聳秀環竒而長騫偉觀豁人心目加以篁木陰森嵐霏杳幻登之者莫不訝其非人世也七峰羅列內括一區平林坦壑靈踪異跡不可勝紀

山在臨安縣之北鄙可四十里上有佛祠號曰承天祠有碑籀載唐崔元翰文歸登之書山之陽東西二徑松檜交錯盤鬱蒙

醫尋丈之間語聲閒寂躋稜層披翠蓓盡十里許下視來徑青  
 虬蜿蜒搏岩騰霄其巔峽束洞隱幾不容並行已而內括一區  
 平林坦壑四面五峰如手豎指一峰南絕卓為巨擘屋蓋高下  
 在掌中矣其間小井或云故龍湫也龍亡湫在歲率一來雷雨  
 暝暄而鄉人祠焉者憧憧然環山多傑木綠杉翠桎千千萬萬  
 若神官蒼士聯幢植葆駢隣倚徙沉毅而有待者逆溜周合鏘  
 然瑒然若鑿行珮趨而中節者西岑之北數百步屹然巨石屏  
 張笏立上下左右可再十尺劃而三之若川字隸文曰喝石崑  
 金崑被谷修竹茂密東徑坎窞為池游魚曠空西經東折躡南  
 峰領脰之間平地砥然盈畝而半偃松一本其高丈其陰四之

橫柯上聳如芝孤生松下石泓激泉成沸甘白可愛偃松之南  
 一目千里吳江之濤可挹越岫之桂可攀雲馭靄騫狀類互出  
 若古圖畫蟲蠹斷裂無有邊幅而隱顯之物尚可名指群山屬  
 聯呈露罔脊矯矯剪剪咸有意氣

凌霄峰高而秀拔徑山之主也丈人峰一名天顯峰堆珠峰又  
 名鉢孟峰鉢孟池在其陰御愛峰宋高宗遊幸凝立顧愛遂名  
 明月池僧妙喜鑿在明月臺下洗硯池東坡洗硯處佛勝水在  
 石岩下又有朝陽峰鵬搏峰宴坐峰  
 西徑山有天掌峰驪珠峰瀉玉岩浣雲池

海内子集  
卷四  
十一  
庚午年

